



~~Ref.~~
R



30

FACULTATIS JURIDICÆ
DECANUS,
JO. PHILIPPUS
Streit, J.U.D.

EMINENTISSIMI AC CELSISSIMI PRINCIPIS
ELECTORIS MOGUNTINI CONSILIA-
RIUS REGIMINIS,

AD AUDIENDAM LECTIONEM CURSORIAM
ad L. 1. & 4. Cod. de rer. permut.

ET
DISSERTATIONEM INAUGURALEM

AD DIEM XVII. OCTOBR. MDCCXXXV.
LECTOREM BENEVOLUM HUMANISSIME
INVITAT.

ERFORDIÆ,
Typis JOH. CHRISTOPH. HERINGII, Acad. Typogr.

FACULTATIS JURIDICÆ
DECANUS
JO. PHILIPPUS
SEIML J. U. D.

EMINENTISSIMI AC CETSISSIMI PRINCIPIS
ELECTORIS MONTANI CONSILII
RIS REGIMINI

AD AUDIENDAM LECTIOEM CURSORIAM

DISSERTATIONEM IN AFRICANAM

LECTIOEM DE REQ. OLY. HUMANITATE

ALFORDIÆ

Typis JON. CHRISTOPH. HERINGII. AVAL. Typogr.



Permutationis appellatio vel generalis, vel specialis est, illa comprehendit omnes contractus nominatos & innominatos. Specialis verò refertur ad res, quæ pro rebus dantur diversi generis. *Oltendorp. classe 4. act. 38.* Res enim rebus permutate, omnibus conventionibus tam nominatis, quam innominatis est commune, ut permutatio nequeat ad certam speciem nomenque contractus reduci, ideoque apud veteres fuit dubitatum, an hoc placitum idem cum emptione esset *L. 11. §. 1. ff. de contrab. empt. §. 1. inst. eod. Wesenbec. ff. de reum permut. n. 1.* vicina tamen est emptioni venditioni, cum illi originem dederit, in principio enim homines usi permutatione, quâ vinum pro tritico, oleum pro melle, bovem pro equo commutabant, unâ, quoque rem, quâ non ita indigebat
X 2 pro

pro aliâ, quam desiderabat, dante, postea propter rerum inæqualitatem, & quia sæpe multi non indigebant rebus, quibus alii abundabant, quò facilius fierent commutationes, ad commodum societatis humanæ, adinventâ & introductâ fuit materia, quæ publicâ auctoritate percussâ, certum haberet valorem, & esset pretium, ac velut mensura cæterarum rerum, estque ea dicta pecunia, quod olim pecudis notâ signaretur. *Plinius lib. 33. cap. 3.* Mansit nihilominus permutationis usus, quæ vicina quidem emptioni venditioni *L. 1. ff. de empr. vend.* ab ea tamen plurimum differt, cum emptio sit contractus nominatus, in quo pecunia datur, ut res accipiatur; in permutatione verò detur res, ut vicissim res detur. Porro emptio non obstringit venditorem præcisè rem propriam tradere, sed vacuum possessionem cedendo, contractus perficitur, donec res evicta sit. *L. 3. Cod. de evict. L. 25. §. ff. de contrahend. empr.* permutatio verò non perficitur, nisi res propria detur. *L. 1. §. 1. 2. 3. ff. de rer. permut. aded,* ut rei alienæ non sit permutatio, & datione rei talis, non satisfiat conventioni. Insuper emptio venditio solo consensu perficitur, sed permutatio ex re traditâ initium obligationis demùm consequitur. Alioquin ex nudo pacto permutationis, nullâ re secutâ, constat nemini actionem competere, nisi subjecta fuerit stipulatio: Transit tamen dominium, re ex permutatio.

tatione traditâ, etsi ab alterâ parte necdum sit satisfactum *dict. L. 1. in fin.* ubi dicitur competere illi conditionem, qui ex suâ parte satisfecit, quod aliter se habet in emptione & venditione, ut patet ex dictis. Est autem permutatio contractus innominatus, quo re cum re commutatur. Et ita quidam restringunt hunc contractum ad speciem contractus, *do ut des*; distinguunt tamen aliqui hos contractus, & veteres in eo differentiam ponunt, quod permutatio fiat de specie certa in certam speciem, ut quando certus fundus datur pro certâ domo. *L. 5. ff. de rer. permut.* quando verò res in genere cum aliâ in genere commutatur, sit contractus *do ut des.* *Glos. fin. in §. L. 1.* videtur tamen non esse differentiam *per L. 5. ff. de præscriptis verb.* Quod si ex una parte res & pecunia interveniat, ut detur res ex altera parte, is censendus est contractus, quem partes inire voluerint *L. tenetur 6. §. 1. C. 2. d. rit. de empr. vend.* si de mente non pateat, judicandum pro excessu, si pecunia prævaleat, sit emptio: si res, permutatio, siquidem in dubio semper is contractus præsumitur celebratus, qui utilior est contrahentibus, qualis est permutatio, quæ poenitentiae locum relinquit. Existimat tamen Covaruvias *libr. 2. var. resol. c. 4. n. 9.* Quem sequitur *Fachin. libr. 2. controvers. cap. 45.* conventionem istam simul esse venditionem & permutationem pro dimidia parte, cum æquales sint utriusque spe-

eies & pecunia *argum. L. 18. de donat. E. 32. §. pen. ff. de donat. inter vir. & uxor.* Quod si itaque quis rem suam cum altero permutaverit & tradiderit, is verò rem suam dare recusaverit, illi datur actio præscriptis verbis ex permutatione, quâ petere possum, ut iste mihi rem, de quâ convenit, tradat, vel rem traditam restituat. Atque id quod interest præstet, nihil enim humanæ fidei magis congruit, quàm ea, quæ placuerunt, custodire, & ut ait *Oldendorp. Class. 4. act. 38.* naturâ æquum est, si quis rem suam bona fide alicui tradat, expectans vicissim ad usûs sui necessitatem aliam sibi dari, ut is actionem habeat adversus detractantem implere contractum permutationis; inde etiam sequitur, quod in hoc contractu locum habeat evictio, si ab aliquo ex contrahentibus res evincatur. *Textus est in lege permutationis cod. de evict. & in L. 1. cod. de rerum permut. Quam legem cum l. 4. ibid. L. 8. Cod. de sentent. & interloc. l. 20. ff. de Solut. & l. 4. Cod. de evict.* conjunctim è Cathedra publicè interpretabitur

NOBILIS ET CLARISSIMVS

**DN. JOANNES CONRADVS
BIRCKENSTOCK,**

Natus in Rhingavia Provincia Moguntina, Erbaci anno 1703. Patre nobili Domino JOANNE BIRCKENSTOCK, Matre MARIA JOANNA SOMMEREISEN conjugibus. Absolutis Moguntinæ studiis humanioribus

bus ac Philosophiâ, quam ibidem universam primus in ordine defendit, Institutiones juris civilis & digesta Herbipoli sub dominis professoribus ordinariis HÄBERMANN & LANGEN audivit. Inde Lovanium se contulit, ac per triennium juri civili ac canonico operam dedit. Porro lugduni Batavorum prælectiones clarissimi *Virriarii* ad jus naturæ & gentium, nec non *Jus Publ. Rom. Germ. & Capit. Cas.* publicas & privatas per annum frequentavit. Inde Wetzlarium abiit, ibidemque audito collegio practico, Excellentissimo & illustrissimo Domini Dn. L. B. ab *Ingelheim* Sacræ Cæsar. Maj. Consiliario intimo actuali & Camera Imperialis Judici, per octo annos, & jam ab anno Nobilitati immediatæ Wetteravicæ à consiliis fuit. Nunc verò perantiquam universitatem hujatē accessit, & à Facultate juridica, ut summi honores Academici sibi ritè conferrentur, modestè petit, ad consuetum & rigorosum examen admissus, in eo in utroque jure acquisitam suam doctrinam & scientiam satis ostendit; non perfunctoriè enim & hæsitanter, sed promptè ac solidè quæstionibus propositis satisfecit, ut per unanimia suffragia honoribus academicis eum dignissimum judicaverimus. Cras igitur horis consuetis lectionem cursoriam ad *dist. L. 1. Cod. de rer. permut.* eaque finitâ Disputationem

DE

DE
OBLIGATIONIBVS ET AC-
TIONIBVS, ILLARVM NATVRA, VI PO-
TESTATE ATQVE EFFECTV CVM EX
PLACITIS IVRIS CIVILIS, TVM EX
PRINCIPIIS IVRIS NATVRÆ ET
GENTIVM

habebit. Ad quos actus solennes Magnificus Domi-
nus Rector, cæterique Domini Proceres ac Cives Aca-
demici perhumaniter invitantur. Publicatum sub Si-
gillo Facultat. Juridicæ XVI. Octobris MDCCXXXV.



154562

ULB Halle
005 372 046

3



R







30

FACULTATIS JURIDICÆ
DECANUS,
JO. PHILIPPUS
Streit, J.U.D.

EMINENTISSIMI AC CELSISSIMI PRINCIPIS
ELECTORIS MOGUNTINI CONSILIA-
RIUS REGIMINIS,

AD AUDIENDAM LECTIONEM CURSORIAM
ad L. 1. & 4. Cod. de rer. permut.

ET

DISSERTATIONEM INAUGURALEM
AD DIEM XVII. OCTOBR. MDCCXXXV.
LECTOREM BENEVOLUM HUMANISSIME
INVITAT.

ERFORDIÆ,
Typis JOH. CHRISTOPH. HERINGII, Acad. Typogr.